

KRAWS CHU CHHUANGIN



CHÂNGVAWN: “Kei erawh chuan kan LALPA Isua Krista kraws lo chu ka chhuan loh tûrzia mai chu, chumi zârah chuan khawvêl hi ka tân khenbehin a awm ta, kei pawh khawvêl tân khenbehin ka awm a ni,” (*Galatia 6:14*).

SABBATH CHAWHNÛ

SEPTEMBER 23

Chhiar tûrte: *Rome 6:1–6, 12:1–8; 2 Korin 4:10, 5:17, 11:23–29; Galatia 6:11–18.*

GALATIA Lehkathawn zir hi chu a hahthlâk angreng khawp mai. A chhan pawh he lehkathawn hi boruak rit tak hnuaia ziah a nih vâng a ni pakhat a. Paula hian koh a nihna chu eng nge tih leh a thu hril chu eng nge ni tih a hriat tlat avângin (a thu tak sawi chu Lalpa hnên ațanga a dawn a nih thu pawh vawi eng emaw zât a sawi rêng hi) Thuthlung Hlui zâwlnei – Isaia te, Jeremia te leh, Hosea ten hmangaihna thinlung pu chung a an lehkhate an ziak ang khan a ni pawhin a lehkathawn hi a ziak ve a. Zâwlneiten an hunlaia mîte chu an thil sual tihte bânsan tûra an sâwm tîn ang khan Paula pawh hian a hunlaia mîte chu a sâwm ve tîn a ni.

An rawngbâwl lai hun chu inang lovin, rawng an bâwlsakate pawh mi thumun an ni lo nachungin, Jeremia a hunlaia mîte hnêna a sawi hi Galatia khuua mîte chungah pawh

a dik ve chiah tho mai. “LALPA chuan heti hian a ti: ‘Mi fing chuan a finna chhuang suh sela, mi chak chuan a chakna chhuang hek suh sela, mi hausa chuan a sum leh pai chhuang hek suh se. A chhuang apiang erawh chuan hei hi chhuang rawh se, kei LALPA hi ngilneihna te, rêldikna te, khawngaihna te, felna leia hmang thîntu chu ka ni tih mi hriat a, an hriatthiamna chu; hêng thilte hi ka lawmzâwng a ni si,’ tih hi LALPA thu chhuak a ni,” (*Jeremia 9:23, 24*).

Kan finna leh thiamna te, kan sum leh pai te leh, kan thiltihtheihna te pawh hi “ropui” ve hle mah se, Krista Kraws hmaah chuan engmah lo mai a ni tih a lang Chiang hle a—hei hi Paula pawhin kawng dik lo zawh mêk Galatia khuua a berâmte hrilh a tum chu a ni rêng a ni.

SUNDAY

SEPTEMBER 24

Paulan ama kut ngeia a ziah

Paulan Galatia 6:11–18-a thukhârna a siam hi a lekhathawn danga thukhârna a siamte nêh khaikhin la. Engtiang kawngin nge Galatia Lekhathawn tâwp dân hi a lekhathawn dangte tâwp dân nêna a inan a, danglam bîk baw k le? (*Rome, 1 leh 2 Korin, Efesi, Filipi, Kolosa, 1 leh 2 Thesalonika* khârna atâna thu hmante hi en la) _____

Paulan a lekhathawn khârna atâna ÷awngkam a hmante hi inang diak diak vek lo mah se, thil thuhmun lo lang ziah thîn erawh eng emaw zât a awm. Chûngte chu: 1) tu tute emaw chibai a bûkna thu te, 2) fuihna thu hnuhnûng te, 3) ama hming leh 4) malsâwmna thu te a ni. Galatia Lekhathawna a khârna ÷awngkam a hman hi han thlîr ila, thil danglam bîk pahnih kan hmu ang.

A hmasa zâwk chu, a lekhathawn dangte ang lo takin Galatia Lekhathawnah hi chuan mi mal taka chibai inbûkna a awm ve lo tlat. Eng vâng nge ni ang? A lekhathawn tîr lamah pawh khân lâwmthu sawina ÷awngkam engmah a awm

hran lo a nih kha, hei hian Paula le Galatia khuaa ringtute inkâra inlaichînna hi a ʈa vak lo a ni tih a tilang.

Pahnihna chu, Paula hian a lekhathawn hi mi dang tu emaw ziahtîr a chîng hle tih kan hre reng tûr a ni a (*Rome 16:22*). Chu mi chuan a ziah zawh hnu-ah, amah Paula hian a khârna thu tâwi tê a ziak ve leh ʈhîn (*1 Korin 16:21*). Galatia Lekhathawn a ziah ʈum erawh hi chuan a tih ʈhîn dân ang ni lovin a ti a. A lekhathawn ziaaktu kut aʈanga pen a lâk hnuah pawh Galatia Kohrana thil thleng chuan a rilru a la luah hneh êm êm tho avângin a khârna thu pawh ʈum dang zawng âiin a ziak sei ta deuh rêng a. An kawng zawh mêk âthlâk tak aʈanga kîr leh tûra ngenna thu a ziah hma loh chuan a pen a dah thei ngang lo a ni ber.

Galatia 6:11-ah hian Paula chuan hawrawp hraw pui pui hmanga lehkha a ziah thu a sawi deuh kher a. Mi ʈhenkhat chuan Paula hian a hawrawp hman len leh len loh lam ni lovin, a hawrawp a chhiat hle thu a sawi zâwk niin an ngai a. Tihduhdahna a tawrhte avâng khân a kut a silawng zo tawh a, a nih loh pawhin, puan in a siamna lamah a kut sawrbâwk zo tawh pawh a ni mai thei baw, chuvângin a ziah duh dân ang tak pawhin a ziak hlei thei ta lo a ni an ti. Mi ʈhenkhat dang chuan hetiang a liana a ziahna chhan chu a khawhmuh fiah tâwk tawh loh vâng niin an ring ve thung a. A khawi pawh hi a thil ni thei ve ve chu ni tho mah se, hawrawp lian tak tak a hmanna chhan hi a thusawi tum chu a pawimawh a, hre ngei se a duh vâng a nih a rinawm ber a. Keini pawhin kan thu ziaka a pawimawh lai chu a hnuaiyah kan rîn phei a, *hawrawp âwnten (italics)* kan ziak bîk a, a nih loh pawhin HAWRAWPPUI (CAPITAL LETTERS) te kan hmang ʈhîn a nih hi.

A enga pawh chu lo ni se, Paula hian a lekhathawn lo chhiartute chu a vaukhânna leh a zilhna thute ngaihsak tûrin a duh a ni tih a chiang hle a ni.

Tîsâ chu chhuângin

Galatia 6:12, 13 chhiar la. Heta Paula thil sawi chu eng nge ni?

Paula hian amah dodâltute thiltum ber nia lang chu a hma lamah pawh a lo sawi zauh tawh tho nachungin, Galatia 6:12, 13-a a sawi hi an chungchânga a ngaihdân Chiang taka a sawi lanna hmasa ber a ni a. Chûng mîte chuan Galatia khuaa ringtu awmte “taksaa chhuan tûr an neih theih nân” serhtan an sawi mâwi niin a sawi. Heta “chhuan tûr” a tih hi a Grik ãawng lama a awmzia chu “lan mâwi theihna tûr” tihna a ni. Dik tak phei chuan, “hmâi” tih pawh hi Grik ãawngah chuan lemchang thiamten (actors) an bun ãhin hmâikâwr nêh hian thuhmun a ni a; chu chu lemchang thiamin tu emaw lem a chan sawina atân pawh hman ãhin a ni baw. ãawngkam danga sawi chuan, hêng mîte hi lem chang thiamte ang mai an ni a, an thu sawi lo ngaithlatute lawm zâwng sawi chu an tum ber a ni a tihna a ni. Hnam ãhenkhatah chuan, mi dangten an pawm nih hi thil ãul tak ãhin ve baw a, hêng mîte pawh hian Galatia khuaa Juda awmte leh Jerusalem khawpuia an Juda Kristianpuite zah hlauh nih an duh avângin zirtîrna dik lo an zirtîr mêk a ni.

Paula hian an thiltumte zînga pakhat chu a sawi chhuak a—chu chu tihduhdahna pumpelh a ni. Tihduhdahna hi taksaa hrehawm intawrhîrna anghah kan ngai deuh ber a, chutih rual chuan zak taka insiam leh huho zînga tel ve lova dah chhuah nih pawh hi tuar hrehawm tak chu a ni ve tho mai. Amah Paula leh Judai rama mi ãhahnemngai fâl ãhenkhatte pawh khân a hmasa zâwk ang hian, Kristiante chu an lo tiduhdah ve tawh ãhin a nih kha (*Gal. 1:13*); mahse a hnuhnûng zâwk ang hi hmanga intihduhdahna pawh hian Kristiante zîngah nghawng a nei ve tho a ni.

Khawi hmun hmuhachte emaw chuan Juda sakhaw hruaitute khân huhâng an la nei ve reng tho a. Rom sawrkâr remtihna/pawmpuina nei an ni leh nghâl a; chuvâng chuan Juda ringtu tam tak pawhin anni nêna inlaichînna ðha neih hi an duh rêng a ni. Jentail-te chu serh an tantîr theih a, Mosia dânte an zawmtîr thei a nih chuan Juda pangngaite nêna pawh lungrual tlânna an nei thei dâwn niin an ngai a. Chu chuan inkhâwmna in (sunagog) hotute nêna ðhian ðha takah a siam theih dâwn mai bâkah, Jentail-te zînga hna an thawh mêk pawmsak thei chiah lotu Jerusalem-a Juda Kristiante nêna pawh inlaichînna nghet zâwk a siamsak bawk ang (*Tirhkohte 21:20, 21*). Chu mai pawh chu a la ni lova, chutianga a tih chuan Juda pangngaite zînga rawngbawl pawh a hnip deuh hlek tawh dâwn a ni.

A eng ber hi nge Paula rilrua awm chu ni tih hre chiah lo mah ila, a sawi tum erawh a chiang hle: “Krista Isuaa Pathian ngaihsaka awm tum zawng zawngte chuan tihduhdahna an tuar ang” (*2 Tim. 3:12, NKJV*).

Hêng mîten zirtîrna dik lo eng eng emaw an zirtîr nachhan hi ngaihtuah la. Anmahni ngaihdânah chuan tihâwm tak a ni ve tho mai. Heta ðang hian kan tum chu “ðha” hle mah se, kan fimkhur hle loh chuan min hruai bo daihtu a ni thei a ni tih engtin nge kan hriat theih ang? Tum ðha tak neia ti i ni tho chungah thil dik lo tak tih eng emaw i nei ve tawh em? _____

THAWHLEHNI

SEPTEMBER 26

Kraws chu chhuangan (*Galatia 6:14*)

“Kei erawh chuan kan LALPA Isua Krista kraws lo chu ka chhuan loh tûrzaia mai chu, chumi zârah chuan khawvêl hi ka tân khenbehin a awm ta, kei pawh khawvêl tân khenbehin ka awm a ni” (*Gal. 6:14*).

Paula hian mi ðhenkhatin serh tan ngei a ngai nia an hriatna chhante chu a sawi chhuak a, chumi hnu chuan a tâwp nân a thuchah puan chu, a khâikhâwmna ni pah fâwmin, a sawi lang leh hrâm a. Ani ngaihdân chuan chanchin ðha hi thil pahnihah a innghat a: 1) Kraws chu a laimu ber a nihnaah (*châng 14-na*) leh 2) thiam chantîrna thurinah te a ni (*châng 15-na*). Vawiin zirlai bîkah hi chuan a hmasa zâwk hi kan khel ber tûr a ni ang.

Keini, kum zabi sawm hnih pakhatna huna chêngte tân hi chuan Kraws chungchâng Paulan a sawi a (*Gal. 6:14*) anmahni a ðhâwn nat dân tûr kha suangtuah thiam a harsa angreng a. Tûnah hi chuan Krista Kraws hi kan hmêlhriat tlâng tawh khawp a, mi tam tak tân chuan chhinchhiahna mâwi leh hmuh nuam tak a ni nghe nghe. Paula hunlai erawh kha chuan Kraws hi chhuanawm tlâk nia ngaih a ni lêm lo va, thil zahpuiawm tak nia ngaih a ni zâwk. Juda-te ngaihah pheih chuan Messia ni ve si khenbeha a awm daih mai chu thil huatthlala tak a ni a, tin, Rom-ho pawhin kraws-a inkhenkeh kher hi chu thil tuihnai lo takah an ngai a, Rom khua leh tui nihna neite hremna tûr hrang hrang a ziahah pawh an telh ve lo.

Hmanlai mîten Krista kraws an hmuhsit tûrzia chu an lemziak hlui tak pakhatna mi an khenbeh lai lem an târlan dânah pawh hian Chiang takin hmuh theih a ni a. Chu lemziak chu kum za bi pahnihna vêla mi niin, mi pakhat, a lû sabengtung chu khenbeh a ni a. Kraws hnuai chiahah chuan mi pakhat, a kut phar chhuak lai lem hi dah niin, “Alexander-an a pathian chibai a bûk” tih thu hi a intâr nghe nghe bawh. A awmzia chu: Krista kraws hi nuihzbûr a ni tihna a ni. Chutiang boruakah hnuaiyah chuan huaisen takin Paula hian Krista kraws chauh lo chu thil dang engmah a chhuan loh tûr thu a puang ta a ni!

Krista kraws hian Paula leh khawvêl inlaichînaah eng danglamna nge a thlen le? Galatia 6:14; Rome 6:1–6; 12:1–8; Filipi 3:8. _____

Kraws chuan ringtute tân thil engkim a thlâk danglam vek a. Keimahni kan inhmuh dân mai bâkah, khawvêl nêna kan inlaichîn dân pawh chhût ãa leh tûrin chona min pe bawk. He khawvêl hi chuan—a chhûnga awm sualna chi hrang hrangte nêh hian (*1 Joh. 2:16*)—Pathian an do tlat a. Krista nêh kan thih dun tawh avângin khawvêl hian a thu hnuaiah min dah thei tawh lo va, khawvêl tâna kan lo nun ãhin nun hlui kha a bo ta bawk. Paula sawi ang hian ringtute leh khawvêl lo inãhen hran tâk dân chu inthihsan tawh ve ve an nihnaah hian a ni tûr a ni.

Kraws hian khawvêl nêna in inzawmnaah eng danglamna nge a lo thlen ve tawh le? I nunah eng danglamna nge a siam? I tâna thi LALPA tâna i inpêk hmaa i nun dân kha i inpêk hnua i nun dân nêh engtiang chiahin nge a danglam?

NILAINI

SEPTEMBER 27

Thil siam thar

Kristiante nuna Krista Kraws pawimawhzia a sawi hnua, a chanchin ãa kena thil pawimawh tak dang chu a sawi leh a, chu chu: rinna avâng a felna thu hi a ni.

Tûn kuartar chhûng zawnga kan hmuh tâk ang khân Paula hian a nihna takah chuan serh tan chu chanchin ãa nêna thil inkalh tlat niin a ngai a ni ber a. Mahse serh tan hrim hrim hi a dodâl chu a ni chuang lo. Serh tan kher chu ãul a tih lohzia vawi tam tak a lo sawi tawh a; mahse serh an tan loh mai avâng a Pathian lawm hlawh ni tûrah erawh inngai lo tûrin a hrilh tho a ni. A chhan pawh, thil eng emaw kan tih avâng a mi fela chhiar ni tûra inngaihna leh thil eng emaw kan tih loh

avânga mi fela chhiar ni tûra inngaihna te hi a nihna takah chuan ang khat reng a nih vâng a ni. Thlarau lam thil zâwnga sawi chuan, serh tan chungchâng hi chu khel khel tûl pawh a ni lêm lo. Sâkhaw biak dân dik chu pâwn lam lang theiah ni lovin, mihring thilung awm dâna zung kaih zâwk a ni a. Amah Isua ngei pawhin a lo sawi tawh angin, pâwn lamah chuan mâwi leh ropui tak anga lang siin, chhûng lamah erawh kan tawih chhe hle thei tlat a ni (*Matthaia 23:27*).

Thil siam thar nih awmzia chu eng nge ni? Galatia 6:15; 2 Korin 5:17. Engtiang chiahin nge chutiang chu i nunah khân i lo tawn ve tawh le? _____

Grik tawnga “thil siam” tih an sawina chu *ktisis* a ni a. He thumal hian “thil siam” mal tê tê-te a kawh thei rualin (*Hebrai 4:13*), khawvêla thil siam awm zawng zawngte pawh a kâwk thei tho bawk a (*Rome 8:22*). A khawi ve ve-ah pawh hian Siamtu’n thil a tihte a kâwk zêl a ni. Chu tak chu Paula sawi tum pawh hi a ni a. “Thil siam thar” nih chu mihringte thiltih—serh tan a ni emaw, thil dang a ni emaw—avânga lo thleng thei a ni lo. Hetianga thil lo inthlâk danglam ta hi Isua chuan “piang thar” tiin a sawi thung a (*Joh. 3:5–8*). Pathianin thlarau lama thi tawh mihring a kaitho leh a, thlarau lam nunna thâw a pêk thar leh thu sawina a ni. Hei hi chhandam kan lo nih dân sawina niin, Paula hi chuan rinna avânga thiam chantîrna tiin a sawi thîn.

Hetianga thil siam thar kan lo nih tâk dân hi Paula vêk hian chipchiar deuh zâwkin 2 Korin 5:17-ah sawi a. Chutah chuan thil siam thar kan lo nih chiah hian vânram lehkhavutea kan dinhmun chu a inthlâk danglam ta a ni mai lo va, kan ni tin nun dânah pawh danglamna a thlen bawk thîn a ni a ti. Timothy George-a chuan ti hian a sawi zau va: “Thil siam thar tih awmzia chu a pum puia pian thar hlawkna tihna a ni ber: Thlarau Thianghlim hnathawh

chuan sual simna leh rinna lamah mi a hruai a, ni tina tihthih ngaite tithi a, tihnun ngaite tinung zêl bawkin, Krista ang kan lo nih tak tak thlenga thianghlimna kawnga ðhan chhoh zêlna a ni.”—*Galatia*, p. 438.

Thil siam thar kan lo nih tâk avâng maia thiam chang tûr erawh chu kan ni lo va. He inthlâk danglamna hi thiam chantîr tawh kan nihzia lantîrtu tûr zâwk a ni.

NINGANI

SEPTEMBER 28

Thu hnuhnûngte (*Galatia 6:16–18*)

Paula hian “chumi dân anga awm apiangte chungah chuan remna leh khawngaihna awm se” a duh hle a (*Gal. 6:16*). **Heti laia “dân” a tih hi eng nge ni ang?** _____

“Dân” tia an lehlinna thumal hian lungremtute leh mistiriten thil tehna atâna an hman ðhin tiang ngîl tak a kâwk a. Hun a lo kal zêl a, thil eng emaw a dik leh dik lo tehna atâna hman tehfungte leh dânte sawina atân pawh hman a lo ni ta zêl a ni. Entîr nân, Thuthlung Thar canon tia an sawi chuan, Thuthlung Thara lehkhabu awm sawm hnih leh pasarihte an sawina a ni a, hêngte hi kohhran thurin leh thiltih tehfung atâna thuneitu sâng ber niin kan ngai baw. Zirtîrna thar eng emaw lo chhuak ta se, chu zirtîrna chu hêng lehkhabuten an zirtîr dân nêna inrem lo a nih chuan pawm loh tûr a ni.

Paulan a taksaa “LALPA Isua chhinchhiahna” a putte chu eng nge ni? Chûng chhinchhiahna a putte avânga mi tu mahin an tihbuai tawh loh tûr thu a sawi hi eng nge ni a awmzia? Galatia 6:14 hian min chhânsak thei em? Galatia 6:17; 2 Korin 4:10; 11:23–29. _____

Heta “chhinchhiaha” tih thumal hi Grik ƣawng *stigmata* aƣanga lo kal a ni a. Paula hian hetih hunlaia an chîn ƣhin, salte taksaa an pute hming an chhut kai ang kha a sawi a ni maithei a, a nih loh pawhin, sakhaw ƣhenkhata a zuituten an zuia laka an inpêk zawhzia an tihlanna ang chi pawh kha a ni zâwk maithei bawk. A enga pawh chu lo ni se, “ ‘Isua chhinchhiaha’ a put thu Paulan a sawi hian tihduhdahna leh harsatna eng eng emaw a tawh avânga a taksaa ser nung lo awm Tate kha a sawi a ni tih rinhlelh rual a ni lo (2 Kor. 4:10, 11:24–27 en la). Chutih laiin, amah dotute hian Jentail-te chu Juda sakhuaah an inhnim lût ve ta a nih tih chhinchhiaha atân serh tan chhinchhiaha nei tûrin an lo phût ve sek bawk si. Nimahsela Paula hi chuan tu sal nge a nih tih tilangtu chhinchhiaha a nei a, ani hi chu Krista lakah chauh rinawm tûr a ni. . . . A pû rawng a bâwl laia a hmêlmâte hnên aƣanga a dawn serte hian Krista tâna a inpêk zawhzia a tilang Chiang hlê a ni.”—Ellen G. White Comments, *The SDA Bible Commentary*, vol. 6, p. 989.

Isua i rin avânga taksaa emaw, thil dangah pawh ni se, “chhinchhiaha” i lo neih ve tawhte chu eng nge ni? ƣawngkam danga sawi chuan, i rinna avâng khân eng thilte nge i lo chân/tawrh ve tawh le? _____

ZIRTÂWPNI

SEPTEMBER 29

Ngaihtuah zui tûr: “Kalvari kraws chuan lei leh hremhmun thiltihtheihna zawng zawngte hi a cho va, chu mai chu ni lovin, a la tiboral vek dâwn nghe nghe a ni. Kraws-ah hian thil zawng zawng a inthlung khâwm vek a, heta ƣang hian an kal chhuak vek bawk. Mîte mit fûk rawnna ber a ni a, hetah hian Krista chuan mihringte tân a nun a hlân a ni. He inhlanna hi a tîra siam an nih dân ang taka ƣha famkima mihringte awmtîr lehna tûr a ni a. An nungchang pum pui thlâksak hlawk a, hnehtu âia ropui zâwk dinhmunna siamna tûr a ni.

“Krista chaknaa Pathian leh mihring hmêlma hnehtu chu vânrâm an luh hunah suala tlu ve lo vântirhkohte dinhmun âia chungah dah a ni dâwn a. Krista chuan ‘Kei hi lei ata khaikâna ka awm a nih chuan keima lamah mi zawng zawng ka hîp ang’ tiin a sawi a. Kraws hian huhâng a hmu lo a nih chuan amah zâwkin a siam mai dâwn a. Chhuan pakhat ațanga chhuan dang leh thlengin, a hunlai mil zêlin thutak hi puan chhuah a ni thîn a. Krawsa khaikân Krista kha khawngaihna leh thutak intawhna hmun a ni a, felna leh remna infawhna hmun a ni bawk. Hei hi khawvêl chêtîrtu tûr chu a ni. (MS 56, 1899).”—Ellen G. White Comments, *The SDA Bible Commentary*, vol. 6, p. 1113.

Sawi ho tûrte:

- ① Paulan a lekhathawn sawi hawn nân leh khâr nâna Pathian khawngaihna tih thu a hmang thîn hi eng nge a pawimawhna i hria em? *Gal. 1:3* leh *6:18* te hi khaikhin la.
- ② Paulan “khawvêl laka khenbeh” a nih tawh thu a sawi a, chuti a nih chuan, Kristiante leh khawvêl inlaichîn tawn dân tûr ni ta chu eng nge ni ang? Khawvêla an thih tawh si chuan kan chheh vêla thilte humhalh te, chi leh chi inthliar hranna do te, leh nau tihtlâk tihtâwp te hi thil tûl a la ni fo dâwn em ni?
- ③ Paulan “thil siam thar” a tih hi kan lo chang ve tawh a ni tih engtin nge kan hriat theih ang?
- ④ Tûn kuartar zirlai ațang hian hêng thupui hrang hrang: dân, dân thiltihte, rinna avânga thiam chantîrna, thuthung hlui leh thar, Krista thiltih leh, Kristian nun chungchânga Paula thîrna chu engtin nge i khaikhâwm ang?

KHAIKHÂWMNA: Sâkhaw biak dân dik tak chuan pâwn lam lang thei chauh ni lovin, thinlung awm dân pawh a ngai pawimawh hle. Kan thinlung hi Pathian hnênah kan hlan tawh a nih chuan rinnaah țhang lian chho zêlin kan nun pawhin Krista nungchang ang kha a lan chhuahtîr nasa telh telh ang. Thinlung chu Krista hnênah a intulût ngei tûr a ni a; chutianga a intuk luh hunah chuan thil dang zawng pawh a lo thleng ve chhawm mai dâwn a ni.